

影印
文淵閣

四庫全書

影印

文淵閣四庫全書

第四二六冊

北京出版集團公司
北京出版社

本冊目次

唐大詔令集

兩漢詔令

宋 宋敏求編……………一

宋 林慮編
樓昉續編……………九七一

欽定四庫全書

史部
唐大詔令集卷一
一至四

詳校官編修臣范來宗

編修臣裴謙覆勘

總校官編修臣倉聖脉

校對官學正臣常循

謄錄舉人臣徐元辰

欽定四庫全書

史部六

唐大詔令集

詔令奏議類一
詔令之屬

提要

臣等謹案唐大詔令集一百三十卷宋宋敏求編敏求字次道趙州平棘人參知政事授之子進士及第官至史館修撰龍圖閣直學士事蹟具宋史本傳敏求嘗預修唐書又私撰唐武宗以下實錄一百四十八卷於唐代

欽定四庫全書

唐大詔令集
提要

史事最熟此集則本其父綬手輯之本重加訂正為三十類熙寧三年自為之序稱繕寫成編會忤權解職顧翰墨無所事第取唐詔令目其集而奔藏之云云蓋其以封還李定詞頭由知制誥罷奉朝請時也其書世無刊本轉輾抄傳訛誤頗甚中闕卷第十四至二十四八十七至九十八凡二十三卷參校諸本皆同其脫佚蓋已久矣唐有天下三百年

號令文章燦然明備敏求父子復為哀輯編類使一代高文典冊眉列掌示洵足為考据之資其中不盡可解者如裴度門下侍郎彰義軍節度使宣慰等使制據舊唐書其文乃令狐楚所草制出後度請改制內剪其類為革其志改更張琴瑟為近輟樞衡改煩我台席為授以成算憲宗從之楚亦因此罷內職是當時宣布者即度奏改之辭今此集所載

尚仍楚原文不依改本未詳何故又寶歷元年冊尊號救據敬宗本紀時李紳貶官李逢吉等不欲紳量移乃於赦書節文內但言左降官已經量移者量移近處不言未量移者宜與量移翰林學士上疏論列帝命追赦書添改之今此集所載祇及赦罪一條而無左降官量移之文疑亦有所逸脫又舊唐書所載詔旨最多今取以相校其大半已入此集

而亦有遺落未載者如紀號則改元天祐詔除校則尹思貞御史大夫李光弼兵馬副元帥諸制追贈則張說贈太師楊綰顏真卿李絳贈司徒郭曖贈太傅鄭朗贈司空田布贈僕射諸詔優禮則杜佑蕭俛致仕諸詔獎勵則勞解琬獎李朝隱褒美令狐彰獎伊西北庭二鎮諸詔謫降則王毛仲韓臯呂渭張又新李續之熊望貶官諸詔誅竄則決殺長孫

昕流裴景仙裴茂諸勅皆關朝廷舉措之大者而此集並闕而不登以敏求博洽不應疎於蒐採或即在散佚之中亦未可定究不免於攷失不完之憾然唐朝實錄今既無存其詔誥命令之得以考見者實藉有是書亦可稱典故之淵海矣乾隆四十四年九月恭校上

總纂官臣紀昀臣陸錫熊臣孫士毅

總校官臣陸費墀

唐大詔令集原序

唐大詔令集者先君宣獻公景祐中書第三闕所纂也
先公以文章名世更内外制之選而朝廷典冊多以屬
之及入陪宰政仁宗數面命撰述於是有中宮冊文三
后不遷及條列兵農置睦親宅朝集院等詔機務之隙
因哀唐之德音號令非常所出者彙之未次甲乙未為標
識而昊天不弔梁木遽壞小子不肖大懼失墜秘其書
於家楹者盖有年矣僕射王文安公累以為問謂當垂
欽定四庫全書
唐大詔令集
原序
世不朽乃緒正舊業十三類總一百三十卷文安見許
序而名之未果而公薨治平二年先皇帝簡拔孤陋寘
在西掖固欲澡雪蒙滯而鑽仰衆製方繕寫成編會忤
權解職顧翰墨無所事第取唐大詔令目其集而弄藏
之云熙寧三年九月晦右諫議大夫宋敏求謹序

欽定四庫全書

唐大詔令集卷一

宋 宋敏求 編

帝王

即位冊文

太宗即位冊文

肅宗即位冊文

德宗即位冊文

欽定四庫全書

唐大詔令集
卷一

順宗即位冊文

憲宗即位冊文

穆宗即位冊文

敬宗即位冊文

文宗即位冊文

宣宗即位冊文

懿宗即位冊文

哀宗即位冊文

即位冊文

太宗即位冊文

維武德九年歲次丙戌八月丙辰朔九日甲子

云云夫

天生蒸民樹以司牧三靈輔德百姓與能粵自夏殷傳業循祚軌物長世固不由茲朕祗膺靈命肇開寶曆聲教所覃無思不服然而萬幾填委九區輻湊明發不寐考極觀書聽政勞神經謀損慮深思間曠釋茲重負咨爾聰明神武實天生德君人之量爰備夙成王業初基雲雷

欽定四庫全書

唐大詔令集
卷一

二

伊始英謀獨斷秘策潛申及拓定關隴澄清河洛北通玄塞東靜青丘宏圖遐舉元功克茂氛霧廓清鯨鯢斯靜澤霑方外聲暢無垠總統機衡百工以乂敷弘德化四門允穆謳歌所屬宇內宅心象緯告徵靈命斯在朕是用上稽蒼昊俯順黔黎推而弗居永垂顯號今傳皇帝位於爾躬命司空魏國公寂尚書左僕射宋國公瑤齋璽綬授爾其纂成洪緒對揚休命式隆寶祚以康四海

肅宗即位冊文

維天寶十五載歲次丙申七月癸丑朔十二日甲子皇

帝若曰咨爾元子某維天為大惟人君則之順乃德故

舜禹揖讓而履皇極弗乃道故丹朱商均不能保鴻業

是以咨有惠迪而夏嗣焉隋有亂紀而唐受焉五聖之

御極皆勤儉兢業日慎一日故能享祚長久垂慶無窮

洎子六葉忝位四紀厭于勤倦緬慕汾陽當保靜怡神思

我烈祖玄元之道是用命爾元子某當位嗣統於戲爾

欽定四庫全書

唐大詔令集
卷一

三

有忠孝之誠極於君父爾有友愛之義信于兄弟爾有仁恕之行通于神明爾有戡難之才彰於兆庶予懋乃懿績嘉乃神武天之歷數在爾躬汝惟推誠禍亂將興爾而能清汝惟從諫社稷將興爾而復寧佞言為疵直言惟師任賢勿貳去邪勿疑民非后何戴后非賢罔與守邦欽哉慎乃有位無忝我祖宗之丕烈

德宗即位冊文

維大曆十四年歲次己未五月辛丑朔二十三日癸亥

皇帝若曰於戲昊天有命皇王受之立嫡以賢春秋之義傳之於子漢氏成規宗廟社稷實賴其慶咨爾皇太子適稟天地之仁含日月之耀道光三善孝著十倫頃者國步多艱委以戎律理軍靖難保大定功克復帝圖廓清妖孽既表建侯之策俾承守器之重仁孝之德夙夜惟寅朕天命有終弗興弗寤非至公無以主天下非至德無以臨四海是用命汝陟於元后嗣守皇業上繼宗祧下安羣望其命門下侍郎同中書門下平章事常

欽定四庫全書

唐大詔令集

四

順宗即位冊文

維貞元二十一年歲次乙酉正月辛未朔二十三日癸巳皇帝若曰於戲天下之大實惟重器祖宗之業允屬元良咨爾皇太子誦膺哲溫恭寬仁慈惠文武之道稟自生知孝友之誠發於天性自膺上嗣毓德春闈恪慎于厥躬祇勤於大訓必能誕敷至化安勤庶邦朕寢疾

彌留弗興弗寤是用命爾繼統俾紹前烈宜陟元后永綏兆人其命中書侍郎同中書門下平章事高郢奉冊即皇帝位爾惟奉若天道以康四海懋建皇極以熙庶工無忝我高祖太宗之休烈

憲宗即位冊文

維永貞元年歲次乙酉八月丁酉朔九日乙巳太上皇若曰咨爾皇太子純惟皇上帝降休於我家用集大命克綏厥猷惟后祗率大典茲惟艱哉朕承累聖休德膺

欽定四庫全書

唐大詔令集

五

守邦之重不蒙天佑降疾在躬上不能昭事郊丘祇見烈祖下不能臨視庶政保綏兆人是用命爾當位嗣統宜陟元后代予憂勤今遣使檢校司徒平章事杜佑副使門下侍郎平章事杜黃裳持節冊命於戲爾有光大之德敷於萬邦爾有仁孝之誠型于九族慈和寬簡克饗天心玄符不可以固違明命不可以不畏爾惟察納忠直子惠困窮咨於正言慎乃儉德臨庶官以信安庶獄以情允執厥中無忝我祖宗之丕訓

穆宗即位冊文

維元和十五年歲次庚子閏正月甲辰朔三日丙午皇帝若曰於戲上天降鑒保佑於我國家十聖丕承光宅四海鴻休大業以逮予一人嚴恭祇畏懼弗克荷賴宗社垂慶生靈乂安今朕寢疾彌留弗興弗寤神器所付屬之元良咨爾皇太子恒孝友聰明溫文睿哲自主七莖日新厥德必能繼予勤志綏靖萬邦是用命爾陟于元后宜令中書門下侍郎平章事令狐楚奉冊即皇帝位懋建皇極無忝我祖宗之休烈

敬宗即位冊文

維長慶四年歲次甲辰正月辛亥朔二十六日丙子皇帝若曰惟天輔唐德我祖宗克答天意邁德勤道紹休大業洎予一人嗣守四海祇事天地愛育萬類罔或怠惰於茲五年今寢疾彌留不興不寤獲以重器付之元良咨爾皇太子湛列祖儲慶自天生德孝友慈惠溫良敬恭必能輯寧家邦輝光緒業是用命爾陟於元后宜

欽定四庫全書

唐大詔令集

卷一

欽定四庫全書

唐大詔令集

卷一

令中書侍郎平章事牛僧孺奉冊即皇帝位爾有廣厚之量可以奉天地爾有孝敬之志可以事神祇和惠可以撫萬邦仁愛可以親九族任賢尚德遠佞去邪爾惟欽承無忝我祖宗之休烈

文宗即位冊文

維寶曆二年歲次丙午十二月甲午朔十二日乙巳太皇太后若曰大行皇帝睿哲英靈對天明命方夏底績夷蠻貢庭罔有不端大康有截宜荷九廟之重永享億年之祿豈虞姦妖竊發矯專神器蠱惑中外扇誘羣萌駭動神人霧深梟獍咨爾江王某聰哲孕粹清明敏和智筭機開玄謀電發躬率義勇大清允徒且膺當璧之符爰攄枕戈之憤既殲巨害當享豐福是用命爾陟於元后宜令司空平章事裴度奉冊即皇帝位永惟高祖太宗之剪定隋亂玄宗之寢漬利澤憲宗之豎拔蠹孽艱難險阻勗乃負荷小心以事上帝儉德以刑家邦懋於令聞持久如始敬之哉

宣宗即位冊文

維會昌六年歲次丙寅三月壬寅朔二十六日丁卯皇帝若曰惟玄穹降祚啟我唐運奕葉重暉赫義纂承列聖顧瞻敷佑冲昧獲承大寶君臨兆人懼不能任夙夜競厲祇事九廟於今七年實賴宗社之靈台衮之輔忠良畢力內外協心北剪山戎東殲孽豎不失傳付之業方期仁壽之寧屬頤護或虧寒暑致恙禱神餌藥有加無繆乃親賢而委家國皇太叔權勾當軍國政事溫慈睿哲孝友端明蘊東平為善之心尚河間好學之志必能燾煦天下穆清大中於戲惟敬惟和克敏克寬斥去奇邪親任仁人是用終陟元后宜令某官奉冊即皇帝位欽若天道緝熙帝圖懋哉敬哉

懿宗即位冊文

維大中十三年歲次己卯八月甲申朔十三日丙申皇帝若曰眷彼羣生必有司牧續承丕構允屬元良故命嗣惟賢立賢則長夏禹惟公於聖子漢文終守其成規

欽定四庫全書

唐大詔令集

八

茲乃萬國攸同百王不易之道也朕以菲薄獲奉宗祧

十有四年未臻至理惟天示譴降戾于躬藥石無功彌

留斯迫歷數云在天命有歸咨爾皇太子朕之元子幼

有聖質孝敬溫文弘博慎敏稟天地之仁闕含日月之貞

明承訓嚮方秉禮抱義是用命爾陟於元后宜令攝中

書令中書侍郎兼禮部尚書平章事蕭朗奉冊即皇帝

位邦家以寧統緒以正惟嚴恭祇畏可以事天地惟寬

明睿哲可以御臣下惟慈惠欽和可以撫黎庶惟道罔

欽定四庫全書

唐大詔令集

九

弗惟賢必親實爾生知豈竢訓誨著於典冊無事文詞

懋昭耿光紹休前烈於戲敬之於戲戒之

哀宗即位冊文

維天祐元年歲次甲子八月壬辰朔十五日丙申皇后若曰高祖太宗撥亂返正奄有天下垂三百年重熙累聖莫不功光祖業克紹丕圖予遭家不造變起宮闈雖號慟期至於終天而負荷實先於立嗣咨爾皇太子監國事天資岐嶷神授英明孝比東平之蒼學富陳留之

植恭謙守政和順稱仁友愛聞於弟兄令譽播於區宇
比則隆元帥深暢戎機今乃位儲宮益歸羣望是用爰
循舊典上纂鴻基既允集於天下當欽承於宗社宜即
皇帝位於戲萬幾不可以久曠四海不可以乏君膺紹
寶圖光踐皇阼節儉以勵戎夏文德以戢干戈無怠無
荒克慈克悌永保厥躬用揚祖宗之丕績休命可不敬
哉

帝王

即位赦上

神堯即位赦

太宗即位赦

中宗即位赦

睿宗即位赦

明宗即位赦

肅宗即位赦

代宗即位赦

順宗即位赦

穆宗即位赦

敬宗即位赦優賜諸軍詔

即位赦上

神堯即位赦

詔曰舜禹殊時禪代存乎揖讓殷周異世革命事乎干戈至於據龍圖握鳳紀統御皇極撫極黎民奄有四方朝宗萬國垂法作則其揆一焉朕以寡薄屬彼澆季大業末年綱維廢弛三光改耀九服移心既戡定時難緝和庶績一匡海內再造黎元隋氏以天祿永終歷數攸在敬禪厥位授於朕躬顧惟慙德屬當景運懼甚履冰慄乎御朽上答蒼靈之睠俯順億兆之心實歷初基普

欽定四庫全書

唐大詔令集
卷二

天同慶宜布茲寬惠咸與惟新可大赦天下改隋義寧二年為武德元年自五月二十日昧爽以前罪無輕重已發露未發露皆赦除之子殺父奴殺主不在赦限百官及庶人賜爵一級義師所行之處給復三年自餘給復一年孝子順孫義夫節婦旌表門閭孝弟力田鰥寡孤獨量加賑恤

太宗即位赦

詔曰惟天為大七政所以授時惟辟奉天三才所以育

物故能彌綸宇宙經緯乾坤大庇生民闡揚鴻烈我大唐誕膺嘉運載協休期丕受龍圖肇開鳳紀太上皇猷齊作聖睿哲欽明奄有八荒光宅四表牢籠軒昊躡跨殷周金鏡俯臨玉燭遐被然而至德弗宰成功不居高謝萬邦委茲重器郊禋曠典士民翹矚欽惟宗社義存享獻朕以寡昧實膺統緒辭不獲免式纂洪業靈命既臻是昇寶位居臨兆庶繼軌百王若涉大川罔知攸濟方咨令哲共康至道今紹祚伊始奉答天休思俾惠澤

欽定四庫全書

唐大詔令集
卷二

被於黎獻可大赦天下自武德九年八月九日昧爽已前罪無輕重已發覺未發覺因徒繫者悉從原免武德元年以來流配者亦並放還凡厥庶寮進爵一級其五品以上先無爵邑者封國男六品以下各加一轉關內及蒲芮虞秦陝鼎六州免二年租調自餘率土普給復一年年八十以上各賜米二石綿帛五段百歲以上各賜米四石綿帛十段仍加版授以旌尚齒鰥寡孤獨不自存者量事優卹其有至孝純著達於鄉黨徵諸闕廷厚

加褒推節義之太貞順之婦州府列上旌表門閭高年碩學直言正諫所在長官隨狀荐舉亡命山澤挾藏軍器百日不首復罪如初以赦前事告言者以其罪罪之

中宗即位赦

門下天地盈虛四時有消息之度皇王興替五運有遷革之期稱號斯殊驪駟亦異受明命者罔不由茲我大唐高祖神堯皇帝聖期首出天與神器有大功於區夏有大造於生靈太宗文武聖皇道則繼明業推構極類商

欽定四庫全書

唐大詔令集
卷二

四

湯之起亳若姬發之承周彈壓九皇牢籠萬古高宗天皇大帝上聖御圖大明司契手調元氣心運洪鑪齊五緯而平太階應三神而登日觀網羅開闢包冠義胥大猷備闡能事斯畢仙駕不追逆臣開釁敬業挺災于淮甸務挺潛應於沙場天柱將搖地維方撓非撥亂之神功不能定人之危矣則天大聖皇帝亶聰成德濟哲應期月初九之英謨開太一之宏畧振玉鈴而殪封豕授金鉞而斬長鯨受河洛之圖書當昊羲之歷數惠育黎

獻並登仁壽既而凝懷問道屬想無為以大寶為勞生

遷復奉諡諱且有後命俾承先緒光啟大唐之圖用崇興

復之基交際在辰情深感慰奉高祖之宗廟遵太宗之

社稷不失舊物實在於茲業既惟新事宜更始可改太

周為唐社稷宗廟陵寢郊祀禮樂行運旗幟服色天地

等宇臺閣官名一事已上並依永淳已前故事其神都

依舊為東都北都依舊為并州大都督府永昌來庭兩

縣並從廢省其百姓依舊分屬河南洛陽兩縣周朝宗

欽定四庫全書

唐大詔令集
卷二

五

廟陵寢及官宜令所司商量處分朕之遠系出自老君

靈佑所資貽慶長久宜依舊上尊號為玄元皇帝省司

差使冊告天下村落佛堂並令開門洒掃不得因茲聚

斂創加修葺庠序之規風教之首京都兩學尚且闕修

欲令四方何以取則其京都學館及先聖廟堂所有破

壞未營造者逐要修葺速令畢功不得浪有勞擾樂府

之設國風所繫豈惟易俗抑且和神至若絲竹繁聲倡

優雜伎深乖禮則並宜量事減省國之禮儀已經改撰

隨時逐變務在弘通宜令禮官重加詳審於行事有不便者即從損益制勅刪定處分已久宜從易簡務速施行設官固須量才稱職比來委任稍亦乖方遂使鞠獄推囚不專法寺撰文修史豈任秘書營造無取於將作句勘罕從於比部多差別使人着判官在於本司便是曠位並須循名責實不得越守侵官皇家親屬籍沒者則天大聖皇帝雖已溥暢鴻恩其先有任五品已上官枉遭陷害者並宜加改葬式遵典禮若有後嗣還其資

欽定四庫全書

唐大詔令集
卷二

六

蔭其別勅安置并左貶者亦復其屬籍量還官爵仍遣諸流移人除犯贓賄及畜蠱毒造偽避讐並反逆緣坐勘會不免者餘並放還天下軍鎮不要者多轉輸艱辛府庫虛耗事須改弊不可循常宜簡內外官人有材識者分為克使巡邊按覆須留鎮遏及應減一事已上並委使人共所管詳度還日具利害聞奏其應支兵先取當土及側近人仍隨地配割分州定數年滿差替各出本州永為格例不得踰越五品以上致仕曾伏事先朝

者賜爵一級曾任州府幕府及任洛州牧日官人並勘責聞奏經任東宮僚見任六品官計階應入五品者特宜不拘年限餘依常例三衛細引主帥直司行署番官七絕等通前各減二年勞考滿日各加勲一轉合得官者稍與處分中書門下官人計階考入五品者優量令吏番官准羽林例處分分直者及外司官典二十二日誅賊之時緣祇承在中書省者各賜勲一轉諸司有品官宜加一階無品直司賜勲一轉禮官緣即位修執儀注者

欽定四庫全書

唐大詔令集
卷二

七

各賜物二十段正月當番三衛監門等於武成衛內明福門外南衙及諸門者賜物十段左右羽林及東宮北門厨供膳及匠准例各賜物十段正月量追三衛細引監門細引直長飛騎雜技飛騎各賜物十段東宮北門官及三衛細引監門直長各賜物二十段仍類例功夫多少奏聞其引玉冊及舉冊讀冊等官人各賜物五十段授冊使人賜物一百段書冊人各賜物十段其舉腰舉官人賜物二十段飛騎各賜物十五段其舉香燈三衛及舉寶人

各賜二十段頃者戶口逃亡良田差科繁劇非軍國切

要者並量事停減若要和市和雇先依時價付錢自非

省支勒索不得輒有進送諸貢物皆須任土當處無者

不得別求仍於常數每事量減緣百姓間所有不穩便

者並委州府具狀奏聞朕當親覽即為釐革天下百姓

並免今年租及地稅自今以後租庸准符配定更不須

徵折腳價錢其已前未徵得者亦即免放天下宗姓並

准舊式房州百姓宜給復三年其諸司官員并雜色役

欽定四庫全書

唐大詔令集
卷二

掌幕士門役之徒兼音聲人及丁匠等非灼然要

籍並量事減省所司速為條制廢馬數多皆須秣飼食

人之粟量滋深廣殿中諸閑廐馬量支留以外抽送外

州馬坊及本監牧其東宮諸王公主等馬應官供者亦

令隨事減省奢淫伎巧實為蠹弊皆因節日宗屬婚親

王公妃主競相賀遺或造珍麗妄為進奉錦綵異飾

雕鏤奇文假撰樓臺偽裝禽獸諸如此類深是害時宜

明勅格嚴加禁斷衣服采章一准令式夫鄒纓齊服尚

且變俗移風朕率先百僚必期化成兆庶東都正月當上

番兵年至五十五即放出前赦及今制處分有不盡者

並令所司類例續奏布告遐邇咸使知聞主者施行

元年二月五日

睿宗即位赦

門下朕聞自古帝王光膺圖籙則尊尊親親之義著於

典制朕諒在至公蓋非獲已我大唐乘時撫運累聖重

光當四海之樂推受三靈之眷命大行皇帝奄弃寓縣

欽定四庫全書

唐大詔令集
卷二

九

痛結仇讎朕志掃巨逆保寧嗣主今皇帝哀艱在疚託

於朕躬懇懇再三願成茲意朕以不德猥承丕緒念今

追昔載感於懷若涉大川罔知攸濟思荷宗祧之業屬

此維新式揚渙汗之恩與之更始可大赦天下

明皇即位赦

朕承累聖之鴻源荷重光之積慶昔因多難時屬遘屯

寶位深墜地之危神器有綴旒之懼事殷家國義感神

祇吟嘯風雲恭行雷電致君親於堯舜濟黔首於休和

遂以孟秋允昇儲貳旋承內禪繼體宸居拜手之請空
勤讓王之誠莫展恭臨億兆二載於茲上稟聖謨下凝
庶績八荒同軌瀛海無波不謂姦慝潛謀蕭牆竊發逆
賊竇懷貞等並以庸妄擢在朝廷毫髮之效未申丘山
之繫仍積共成梟獍將肆姦回太上皇聖斷宏通英謀
獨運命朕率岐王範薛王業等躬事誅鋤齊斧一麾凶
渠盡殪太陽朗耀開氛霽於天衢高風順時彰肅殺於
秋序人靈叶贊夷夏相歡四族之慝既清七百之祚方

欽定四庫全書

唐大詔令集
卷二

十

永爰承後命載開休期總軍國之大猷施雲雨之鴻澤
承乾之道既光被於無垠作解之恩思式覃於品物當
與億兆同此惟新可大赦天下大辟罪已下咸赦除之
邠王守禮加實封二千戶宋王成器申王成義各加實
封一千戶岐王範薛王業各加一階內外官人被諸道
按察使及御史所通惡狀咸宜洗滌選日依資叙用

先天

二年
七月

肅宗即位赦

朕聞聖人畏天命帝者奉天時知皇靈眷命不敢違而
去之知歷數有歸不獲已而當之在昔帝王靡不由斯
而有天下也乃者安賊亂常京闕失守天未悔禍羣兇
尚扇聖皇久厭大位思傳眇身軍興之初已有成命予
恐不德罔敢祇承今羣工卿士僉曰孝莫大於繼德功
莫大於中興朕所以治兵朔陞將殄逆寇務以大者本
其孝乎須安兆庶之心敬順羣臣之請乃以七月癸丑
朔十二日甲子即皇帝位於靈州敬崇徽號上尊聖皇

欽定四庫全書

唐大詔令集
卷二

十一

曰上皇天帝所司擇日昭告於上帝朕以薄德謬膺重
任既荷承天之禮宜覃率土之澤可大赦天下改元曰
至德大辟罪已下常赦所不免者咸赦除之其逆賊李
林甫王珙楊國忠近親合累者不在免限百姓官吏能
率親屬去逆歸順有官加優獎斬得逆賊父子不問首
從當賜爵土別有褒崇其有直言極諫才堪牧宰文詞
博達武藝絕倫孝悌力田沉淪草澤委所在長官聞薦
詣闕自陳者亦聽東宮官屬既會昌期合承寵命量加

改轉諸色勾徵逋租懸調及官錢在百姓腹內並宜放免
靈州改為靈武大都督府上縣為望中縣為上官寮等
一切便授天下耆壽各賜物五段侍老版授太守縣令
有差各賜物五段天下諸道百姓本道採訪使差郡縣
官存問四方將士各賜馬一匹六品以下賜物十段天
下寺觀各度七人太守並限三考然後轉御史取曾任
郡縣理人官者後可薦用所有彈奏一依貞觀故事官
吏犯枉法贓終身勿齒自古聖明至忠臣烈士五岳四瀆

欽定四庫全書

唐大詔令集
卷二

十二

名山大川並令所在致祭孝子順孫義夫節婦旌表門
閭内外文武官九品以上各加兩階賜勲兩轉三品以
上賜爵一級

代宗即位赦

高宗嗣興諒陰成受終之禮康王承統翌日奉顧命之
書況萬事尚殷蕭牆有釁蒼生佇理社稷謀安教雖達
于通喪禮有變於金革順人聽政俛從權朕頃侍鑾
輿率彼西夏佐成草昧俾掌戎車國步艱難睿圖廣運

再清寓縣重復宗社稟成命以受律敢貪天以為功聖
慈弘深冊踐明兩奉若廷訓敢有怠心嗚呼不吊昊天
殃咎存至皇祖之哀未釋窮崩之罰奄鍾攀號罔極若
無天地誓終喪紀企及前王百辟抑予俾恭遺訓俯遂
衆望嗣膺丕烈欽茲大寶懼不勝任若蹈春冰如集喬
木日者先聖哀損朕在問安而閭牆構災凌長成禍閭
闔作孽閭寺滔天職為亂階潛置巫蠱將行竊弄覆我
邦家賴良弼匡戴爪牙同德天道助順神理害盈昭此

欽定四庫全書

唐大詔令集
卷二

十三

共工之心終貽管蔡之辱舍彼有罪咸服其辜廢於離
宮寘於城穎今天衢雖泰率土未康武協公卿之心仰
遵易月之命奉時斯在先甲未孚宜允人神覃茲渙汗
可大赦天下自寶應元年五月十九日昧爽已前大辟
罪已下已發覺未發覺已結正未結正繫囚見徒常赦
所不免者罪無輕重咸赦除之自開元已來所有諸色
犯累者並宜雪免左降官并諸色流人及罰鎮效配軍
團人等一切即放還其中有見任刺史縣令及正員者